

Edisi Kedua 2024

MITASA
KESATUAN KAKITANGAN AKADEMIK UNIVERSITI TEKNOLOGI MARA



Suara

MITASA

Bengkel e-TUIS,
bantu kesatuan
lebih efisien

Risiko psikososial
tempat kerja:
ke arah menjadikan UiTM
sebagai majikan yang
sihat dan selamat

Usah aniaya anak buah,
jawatan adalah amanah
dan keadilan

Kenapa Susahnya
Nak Naik Pangkat?

PTM beri pendedahan
kepada pensyarah baharu

Insentif Kecemerlangan
SPM terus bantu anak
ahli MITASA

ISSN 3083-6116



9 773063 611009

Permulaan yang sempurna

KAKUAM 2024



Kongres Persatuan Akademik Malaysia (MAAC) telah menganjurkan satu persidangan iaitu Konvensyen Akademik Kebangsaan Universiti Awam Malaysia (KAKUAM 2024) yang diadakan di Universiti Sains Malaysia, Pulau Pinang 10 Oktober lalu.

KAKUAM merupakan program persidangan yang bertujuan untuk membincangkan isu, cabaran dan status terkini mengenai pengajian tinggi negara. KAKUAM juga berhasrat untuk menyatupadukan seluruh staf akademik di Universiti Awam ('UA') di Malaysia dalam memperjuangkan hak, kepentingan dan harapan mereka dan demi kecemerlangan UA serta pembangunan sektor pendidikan tinggi.

Kesatuan Kakitangan Akademik Universiti Teknologi Mara (MITASA) juga tidak terkecuali menyertai persidangan tersebut dan diwakili oleh Presiden, Saharuddin Lin, Setiausaha, Prof Madya Dr Faridah Hussain, Penolong Setiausaha, Syarifah Yuliana Syed Ali Hanafiah, Bendahari, Ts Nor Azlin Rosli dan Exco Promosi, Sosial Media dan Laman Web, Mohd Shahrudin Mohmud.

Majlis Perasmian di hadiri oleh Timbalan Naib Canselor, Akademik dan Antarabangsa, Universiti Sains Malaysia (USM) mewakili Naib Canselor USM, Prof Dato Gs Dr Narimah Samat, Timbalan Ketua Pengarah, Akademik dan Penyelidikan, Kementerian Pengajian Tinggi mewakili Ketua Pengarah, Kementerian Pengajian Tinggi, Prof Dr Zainal Amin Ayub dan Timbalan Ketua Pengarah, Pembangunan, Jabatan Perkhidmatan Awam mewakili Ketua Pengarah, Jabatan Perkhidmatan Awam iaitu Datuk Dr Anessee Ibrahim dan Presiden MAAC, Prof Dr Ahmad Ismail.



Tiga forum utama dibahagikan dalam persidangan tersebut melibatkan panel-panel jemputan dari seluruh Malaysia. Forum pertama bertajuk Tatakelola Universiti Awam Meningkatkan Kualiti dan Akauntabiliti. Ahli panelnya ialah Presiden Persatuan Staf Akademik Universiti Sultan Zainal Abidin (PSAUniSZA), Prof Madya Dr Berhanundin Abdullah, Presiden Persatuan Akademik Universiti Teknologi Mara (UTIMAS), Prof Madya Dr Fadilah Puteh dan Presiden PPA UNIMAS, Dr Juna Liau serta dikendalikan oleh Moderator, Prof Dr Nuarrual Hilal Md Dahlan, merangkap Exco MAAC.

Forum kedua di sebelah petang bertajuk Autonomi Universiti Awam dan Status Badan Berkanun Cabaran dan Peluang. Ahli panel yang dijemput ialah Presiden Persatuan Kakitangan Akademik Universiti Teknologi Malaysia (PKAUTM), Prof Madya Dr Abd Rahman Tamuri, Presiden Persatuan Staf Akademik Universiti Teknikal Malaysia Melaka (UTEMASA), Prof Ir Dr Badrul Hisham Ahmad dan Naib Presiden 1 MAAC, Datuk Dr Omar Shawkataly dan dikendalikan oleh moderator Prof Dr Mohd Ridhuan Tee Abdullah merangkap Exco MAAC.

Forum ketiga pula bertajuk Kecemerlangan Akademia dan Laluan Kerjaya Mencapai Keseimbangan Antara Kualiti dan Kebajikan. Ahli panel yang terlibat ialah Prof Ts Dr Shukor Abd Razak iaitu Timbalan Naib Canselor (Penyelidikan & Inovasi) UniSZA dan Prof Ir Dr Widad Ismail, Profesor dari USM serta dikendalikan oleh moderator Prof Dr Fauzilah Salleh, merangkap Exco MAAC.

Untuk sebarang urusan berkaitan akses terhadap MITASA, ahli-ahli boleh mengikuti kami di platform media sosial MITASA dengan mengimbas kod QR yang disediakan seperti Tiktok, Facebook, Instagram dan Twitter. Bersama ini juga disertakan kod QR untuk pendaftaran sebagai ahli dan borang aduan untuk ahli yang memerlukan.

Media Sosial MITASA




Tiktok



Facebook



Twitter



Instagram



Laman Web

Keahlian & Aduan



Kemaskini Keahlian



Borang Ahli



Borang Aduan



Siti Fatimah Awang
Setiausaha Media dan
Korporat MITASA
010-9280262



**Nadra Sharfina
Ab Rahman**
Setiausaha Pejabat MITASA
018-2365130